

Frederick Nuboer

"SI NOS KIER ALIVIA E CONSUMIDOR, ESAKI TA E MOMENTO PA AHUSTA (E BBO)"

Cu e fiscalista Frederick Nuboer (41 año) nos ta wak bek riba un par di topico cu sigur ta biba ainda den e comunidad di empresanan pero tambe serca e consumidornan. Un di e topico ta sigur BBO. Manera ta conoci BBO a worde introduci na Januari 2007. Segun Nuboer **BBO a resulta den mas entrada pa gobierno.** (Florin: Segun cifrasnan di Banco Central y CBS na 2007 gobierno a ricibi AWG 132 miyon na BBO. Te cu September 2008 e entrada na BBO a suma un total di AWG 129 miyon, cu ta 2.2% menos cu e mesun temporada na 2007. Gobierno a ricibi en total na impuesto na 2007 AWG 1,028 miyon compara cu AWG 985 miyon na 2006). BBO ta un sistema cumulativo caminda cada schakel ta paga di 3% di BBO ariba e benta di e producto of servicio, cu e consecuencia cu e pro-

ducto of servicio ta subi den prijs. Mi mes lo a prefera un sistema cu no ta cumulativo, manera e sistema di BTW na Hulanda. Den e sistema di BTW e empresa por compensa e belasting cu el a ricibi di e consumidor, cu e BTW cu e como empresario a paga den e schakel prome. E sistema aki ta mas complica y ta rekeri mas di e administracion di e empresa, pero e no ta influencia e mercado tanto compara cu BBO, segun Frederick Nuboer.

Normalmente e inflacion di Aruba ta mas o menos sigui e inflacion di Merca. Sinembargo e introduccion di BBO y cu ne e sistema cumulativo di dje a resulta den un inflacion – segun CBS – na 2007 di no menos cu 10.2% caminda e inflacion na 2006 tawata solamente 2.5%. Den e periodo di Januari pa September 2008 e inflacion

a baha pa 7.5%, pero ta keto bai mas halto cu e tawata prome cu introduccion di BBO. **E no ta nada incomun pa ahusta e sistema di belasting indirecto, sea BTW, Omzetbelasting of "Value Added Tax" si e situacion ta rekeri esaki, Nuboer ta bisa.** Esaki a sosode na Corsow y depsues di 2 anja e ta un bon momento pa evalua y ahusta pa alivia e consumidornan na Aruba. E ta importante si pa prepara un cambio bon. Cu e BBO a resulta den mas entrada pa gobierno un cos, pero bo kier evita cu e sistema ta influencia e mercado den tal forma cu e consumo of comerciante ta cambia su actitud di cumpra un producto pasobra e sa cu e tin cu bai paga BBO. Esaki nunca por ta e consecuencia di e introduccion di un sistema di belasting nobo, den opinion di Frederick.



“Un sistema di belasting indirecto ta pas mas mihor cu e mundo cu nos ta biba aden, solamente mester haci'e un sistema non-cumulativo”

Riba su mes e cambio di un belasting directo pa un belasting indirecto (cu BBO ta) ta bon y ta conforme e desaroyonan internacional.

Un cambia di un sistema cumulativo pa un sistema non-cumulativo no necesariamente mester resulta den menos entrada pa gobierno, lo mester ahusta tambe e tarifa di 3%. **E bentaha grandi ta cu un sistema non-cumulativo ta influencia e mercado den su totalidad menos**, den opinion di Nuboer. Un vorbeeld ta e supermercadonan cu no ta cumpra na un 'wholesaler' local pa evita cu su produccionan ta bira mucho caro

Un otro desaroyo cu ta hopi interesante actualmente ta e asina yama Vennootschap met Beperkte Aansprakelijkheid cu ta un vehiculo nobo pa desaroya Aruba como un 'financial center'. Pa hopi tempo caba tin papia con Aruba por desaroya un pilar nobo pa e econo-

mia banda di e pilar di turismo. Den casi tur analyses e terminologia di 'financial center' ta cai y cu mester tin vehiculonan financiero ('financial vehicles') nobo pa desoroya esaki. E vehiculo cu ta wordo introducci entrante 1 Januari 2008 ta e Limited Liability Company ('LLC') of den Hulandes e 'Vennootschap met Beperkte Aansprakelijkheid' (VBA).

Frederick ta comenta cu **mundialmente Hulanda ta un bon ehempel di un pais cu tin tratadonan di fiscal cu casi tur paisnan den mundo**. Esaki ta duna Hulanda un posicion fuerte den e mundo financiero y a pone Hulanda riba e mapa fiscal mundialmente. Nuboer ta duna un ehempel di un compania cu tin un oficina principal na Merca y un 'subsidiary' na Saudi Arabia. Si Aruba tin tratadonan di impuesto cu Merca y Saudi Arabia, e compania por usa un vehiculo na Aruba pa e fluho di placa entre Merca y Saudi Arabia. Esaki lo ta bou cierto condicionnan y tarifanan. E ora ey Aruba

ta brinda oportunidadnan na companianan internacional bou normanan cu ta acceptabel door di Organization Economico di Cooperacion y Desaroyo. **Esaki – segun Nuboer – ta e caminda pa sigui pa pone Aruba riba e mapa financiero internacionalmente. E lo tuma esfuerso, pero si e meta final ta crea un pilar di economia nobo, esaki ta e caminda pa cana**. Den Caribe no tin ningun ehempel di paisnan cu a desaroya nan mes den e rumbo aki. Locual bo ta mira na islanan manera BVI ta e desaroyo biew of e 'tax havens' cu no ta acceptabel mas den e mundo moderno. 

Frederick Nuboer (41) a studia Fiscaal Recht na Leiden (Hulanda). Despues el a traha como fiscalista na KPMG y Servicio di Impuesto. Na 2005 el a lanta Nuboer Tax Solutions (Caya G.F. (Betico) Croes 158, Oranjestad, Tel 5880055, frederick@nuboer.com).



“Mester sigui e caminda pa sera mas tratadonan di impuesto multilateral cu otro paisnan”